

LECTIO PRIMA CAPITVLI TERTII



Dāuus et Vrsus in oppidō Tūsculō sunt. Aulus Paulīnus quoque in oppidō est . Trēs uiri in thermopōliō sunt. Paulīnus uīnum bibit. Dāuus nōn uīnum, sed aquam bibit. Vrsus neque uīnum neque aquam bibit. Bibit quoque uir, quī laetus cantat. Dāuus Paulīnum interrogat.

Dāuus: Quis est uir, quī hīc cantat?

Aulus Paulīnus: Terentius est uir, quī hīc cantat.

Dāuus: Cūr Terentius cantat?

Aulus Paulīnus: Terentius cantat, quia laetus est .

Dāuus: Cūr est laetus Terentius?

Aulus Paulīnus: Laetus est quia uīnum bibit. Hahahae!

Aulus Paulīnus quoque laetus est, quia uīnum bibit, et rīdet. In thermopōliō

uir est, quī neque rīdet neque cantat. Vir nōn laetus, sed īrātus est .

Dāuus: Quis est uir, quī nōn cantat neque rīdet? Num laetus est?

Aulus Paulīnus: Mmmm... Nōn, laetus nōn est Titus Porcius. Vīnum nōn bibit.

Dāuus: Cūr īrātus Porcius Terentium uidet?

Aulus Paulīnus: Quia Porcius eum quoque audit. Hahahae!

Aulus rīdet, neque Porcius rīdet. Iam uenit Porcius et Terentium pulsat.

Terentius: Vir, quī uīnum bibit, nōn cantat.

Terentius iam nōn cantat neque laetus est, sed plōrat.

Vrsus uidet Porcium, quī Terentium pulsat. Vrsus Porcium quoque pulsat.

Paulīnus iam nōn rīdet et Dāuum interrogat.

Aulus Paulīnus: Cūr magnus Vrsus uirum paruum pulsat?

Neque Dāuus respondet, sed Vrsus.

Vrsus: Quia paruus uir improbus est.